

至正四明續志

鄞陳勸題



四明續志卷第八

宋元四明六志第八十

元

王

元

恭

撰

學校

本路醫學

國朝立醫學以祀三皇所以著仁民愛物之政四明郡學初僦民居以應詔旨至元閒廉訪副使陳公祥改建西南隅王惟良舊居王尚書為記至大二年燬於延燎延祐二年移置東北隅魏家巷係宋鄞縣主簿廳基重建待制袁桷記見前志

瞻學田土

至元八

一

煙嶼樓校本

田陸畝叁角貳拾柒步上米陸石伍斗坐落鄞縣四十九都至順三年十月置

屋宇見前志

增設

齋房八間在大殿後東西兩序元統元年夏總管苦思丁增建至正二年夏學正崔演重修扁名淳德全道彰明廣生四齋

石櫺星門一座

小門樓一座

官廨五間

土祠一間

門房一間

教授廳三間

三皇聖像龕帳三座

以上至正元年夏總管王公元恭

建造

奉化州醫學

三皇殿在州學之北延祐六年知州馬稱德重建殿
堂門廡櫺星門四齋垣壇咸一新之郡人袁楠為記
見前志

至正八

二

煙嶼樓校本

屋宇見前志

增設

光道齋

養生齋

宣明齋

正紀齋

祭器

銅器

簠

簋

爵

坫

壘

象尊

犧尊

洗

龍勺

木器

豆

俎

祭器廚

燭臺

竹器

籩

筐

從祀廊簾

瓷器

大香爐一箇

花瓶一副

小香爐九箇

至正八

三

煙嶼樓校本

昌國州醫學

學在州前至元二十八年醫提領許若璧等建詳見前志

慈溪縣醫學

學在縣東南泰定四年始塑三皇聖像元統二年僉事李綱始命本縣買門首基地建櫺星門至元六年副使暢篤復命邑長也里不花等捐俸鑄造祭器

講堂邑人翁傳心為記大哉仁乎仁者天地生物之心而人則得其心以生者也

自夫人縱其七情溺於外慾五事不知循軌六氣不能順適故勞形敝精自罹天闕三皇有作繼天立極而錫以五福利用厚生而導以中和嘗味草木而濟之醫藥使之節性順情謹身慎疾何莫非深仁之推盪洋溢也先儒程子謂醫書以手足痿痺為不仁又云切脈可以觀仁是以岐黃倉扁之術或者以為有

得於易書詩禮之傳焉欽惟皇朝以仁立國肇建醫學歲祀三皇從以四配且依儒校設官講明教導人之有疾死生繫焉醫不三世差毫釐則繆千里望聞切問必深究乎師傳之要甘辛燥溼必詳察乎風土之宜躋斯民於壽域之中而無札瘥疵癘之患者惠至渥也慈溪為四明屬邑至元戊子教諭桂起予始買民居建學因陋就簡延祐甲寅邑長烏馬兒鼎新禮殿門廡規模粗備而門徑迂隘弗稱至元後甲戌浙東僉憲文晦李公行部至縣亟命買地闢徑術立櫺星門巍然改觀越六年庚辰冬十月憲使柳莊暢公按部至學顧俎豆弗完講習無所乃喟然曰器不備則歲祀不能成堂不構則肄業不能明詎非先務之急乎於是邑長也里不花君主簿李君汝幹典史張紹組金文信捐俸創建講堂補鑄祭器既成俾傳心屬文以記之噫仁者以天地萬物為一體痒痾疾痛舉切吾身煦嫗覆育若保赤子生物之心也憲使公以是心首建明之而憲掾陳君禮梁實復贊之邑長邑人又相與樂成之於以崇國家誌祀之典於以廣皇元好生之德仁人之言其利溥哉是不可不以記凡廟屋祭器新舊有數遂臚列刻諸碑陰期弗替

至正入

四

煙嶼樓校本

也公名篤字曾伯河南人

屋宇

大殿三間

講堂三間

門樓三間

廊屋六間

步廊二間

祭器教諭張德淵任內置到

銅器

尊二口

杅一箇

勺二箇

木器

簠簋各一箇

豆一十隻

坩二片

俎八箇

新置至元六年達魯花赤也里不花置到

銅器

爵九箇

簠三箇

按日原脫二葉盧本同由此志目錄核之延祐志蓋中脫陰陽學及鄧山書院後開籩豆筐俎蓋鄧山書院中祭器也

籩一十五箇

筐一箇

木器

豆一十五箇

俎六箇

至正八

五

煙嶼樓校本

翁洲書院

書院在州治北宋穆陵舊扁之名以賜參政應繇入國朝其孫翔孫元貞閒撥田勸基建禮殿奉宣聖燕居像別建祠祀先賢朱文公大德十一年為颶風所仆延祐七年同知干文傳鼎建禮殿臺門至元二年山長朱廷鸞起蓋東廊齋舍三間四年知州徐敬建講堂三間西廊齋舍三間為祠堂以奉葺芷先生蘭坡先生全軒先生六年山長曹性之重修天台應奎

翁記 明東南斗絕地自是以外皆溟渤矣去郡治不遠三百里而外土突出海中曰翁洲在昔或為甬東或為翁山皆以地稱縣於宋州於今遂為昌國海面際天環州境微舟楫罔通吏非迫士非隱農工

商賈非甚冒利不獲已莫肯至然山川號名勝者若蓬萊安期補陀洛迦之屬類怪奇神異眩耳目竹宮梵宇參錯其間綦布星列不可勝數以故鄰封接壤殊方絕俗梯航而至者惟知尊禮仙佛求所謂清淨寂滅一言片語囂囂然去焉至於堯舜禹湯文武周公孔子之道六籍之學槩未有聞也故宋參政臨海侯葺芷先生應公繼先徙自台常有職於斯卽讀書故地爲書院以來學者理宗嘉之爲書翁洲二字爲之扁未就而卒皇朝旣一函夏首崇學校元貞大德閒先生之孫全軒公翔孫克紹先志率羣從子弟割已產爲田若干畝以贍士作先聖燕居堂祠文公朱子像一規白鹿洞成式卒成書院事上其狀行省相君偉之尋授公山長員以主教事後遂爲常選至大未改元之前年歲在丁未秋海颶大作院毀不支一木昉延祐庚申迄重紀至元戊寅垂二十禩稍復故殿宇儀門成於知州燕公赤不花同知州事干文傳東西廡爲屋以閒計者六東成於山長朱君廷鸞西成於知州事徐公敬益以講堂三閒規摹視昔有加會公攷最解綬去山長天台曹性之直學鄞人林大昌相與僇力捐俸於已貸鏹於人增覆瓦之未櫛者

至正八

六

煙嶼樓校本

完齋廬之未構者飾采桷之未暨者崇垣墉之未築者退講堂以闢其庭之未裕買宮牆外民地正其疆之未拓者未幾郡守王侯元恭居敬父下車刻意庶務弊易廢舉飭庠序政教志愈篤一日山長白事府署王侯曰先生分教地遯矣遐哉蒞事得無懈乎對曰明公之志遠近聞之疇敢不力因陳其故如前所云侯稱善旣退按地乘譟獻賢究本末謀勒石以昭前烈以勵方來庶補侯意焉矣奎翁參政公族孫客鄞久宜得其詳徵文爲記奎翁竊惟夫子嘗欲居九夷矣嘗欲乘桴而浮海矣見聖人之心不以絕遠而忘天下也翁洲當大海之口海外諸番於是乎觀聽使爲彼之徒推其尊禮仙佛之誠而知尊孔子之道廓其求聞清淨寂滅之念而求夫六籍之學則書院之設於是不無助於聖教而聖朝之德之化亦可宏也已矣可無記哉孟子有云能言距楊墨者聖人之徒愚於有功於書院者亦云

贍學田土

田肆拾陸畝穀陸拾貳石玖斗

海塗田叁伯畝每歲穀與佃分收

輸納官糧民苗正米陸石壹斗叁升柒合陸勺

屋宇

臺門三間

禮殿三間

講堂三間

齋廊三間

軒屋三間

祭器

銅器

爵二箇

竹器

至正八

七

籩三十箇

筐二箇

木器

豆三十箇

坩六片

俎六箇

簠四箇

簋四箇

岱山書院

書院在昌國州蓬萊鄉之海中岱山因山而名創於宋咸淳間里人魏榘建而未完至元三十年本處鹽場官徐應舉朱許芳買民居三間遷於市設山長實未有所贍焉至元二年州判官許廣大興建設顏子

像以配享仍給富九都沙漲塗田以供祀事許廣大為記

贍學田土

元請到廢酒坊基一所見行種植添助

本州富九都沙漲河塗田大小一十四

所即本州發下僧正因退佃業未得經理

屋宇

門樓三間

禮殿三間

講堂三間

於至正二年四月內颶風所圮

祭器

至正八

八

煙嶼樓校本

爵六箇

豆二十箇

簋四箇

簋四箇

俎四箇

籩二十箇

慈湖書院

書院搨於宋寶慶間為鄉先生楊文元公專祠凡兩遷見前志當至元二十四年復建於先生舊宅遺址崇禮殿以奉先聖嚴祠庭以殷蒞祀後闢講堂外植門墻兩廡因其舊為齋四曰忠信篤敬明通公溥長有署土有祠橫經度書之所庖湏之舍整整咸具邑有湖先生居焉湖隸邑而得慈之名因以自號世謂

先生從陸文安之學者人自標異誦聖人之言述聖人之行求其止乎極而已矣豈可各開戶牖而有分裂聖人之道者哉惟先生學力所至則未易泯也距今且一百有餘載祠塾訖不可毀延祐六年重修

瞻學田土

舊管

田壹伯壹拾柒畝叁角肆拾伍步

地肆畝叁拾陸步

渡陸處

新置

至正八

九

煙嶼樓校本

田捌畝貳角叁拾叁步

歲收錢糧

鈔壹兩

穀壹伯陸拾捌石玖斗肆升壹合

屋宇

凡三十二間內四齋曰忠信篤敬公溥

明通

杜洲書院

書院在縣西北三十里至大二年邑士童金剏立義學撥田養士其子童桂添撥山田以瞻學至元二年

都省准設立額爲杜洲書院口注山長一員自嘉興顧嵩之始

贍學田土

田肆伯畝肆拾玖步

地捌畝

山叁伯貳畝壹角

歲收錢糧

穀伍伯捌拾捌石

屋宇

門樓三間

儀門五間

至正八

十

煙嶼樓校本

禮殿三間

慈湖祠堂三間

鄉先生祠五間

祠杜洲童先生居易松簷童先生鍾懋山曹先生漢炎東發黃先生震草堂嚴先生畏聲伯童先生

彝訓堂三間

志道齋三間

尙德齋三間

復禮齋三間

守約齋三間

慎獨齋三間

養浩齋三間

廊屋一十二間

庖湍五間

山長廳三間

宣聖加號碑亭一座

杏壇一座

祭器

銅器

爵二十二隻

玷二十七片

簠八箇

簋八箇

犧尊四箇

象尊四箇

山尊一箇

大尊二箇

罍洗二事

爐一箇

鐵器

香爐三箇

至正八

十一

鐵器

香爐四箇

花瓶八箇

竹器

籩三十八箇

筐八箇

木器

豆五十二隻

俎二十三箇

臺盞九副

桶梓二十片

果洗一十二隻

書板

袁氏蒙齋孝經計板一十片

耕圖計板二十三片

書籍

四書二十冊

六經三十冊

通鑑二十冊

史記三十冊

韓文一十冊

柳文一十冊

黃氏日抄五十冊

慈湖文集一十冊

至正八

十三

煙嶼樓校本

設官

山長一員

甬東書院

書院在鄞縣東三里許宋紹定閒鄭忠定公創建祠
迂齋先生樓公昉有田以供春秋二祀詳見前志至
元口年鄉人史綜口口充主奉

魯齋書院

書院在城西南隅吳家巷至元六年本道都元帥鎖
南班資政因天台陳仁請建以祠魏國許文正公聞
於朝未奉明降

東湖義學

義學在鄞縣東三十里邑士陸居敬與弟思誠創立

天祿元年落成割田伯陸拾畝以充廩稍翰林編修

程端學為記

東湖去城三十里山圍而獻秀水滙而浮光舟行若乘氣凌空不知身在塵世

也其北曰鄞麓土腴物阜民居鱗集余少時常侍友

仁孫先生講學其中欲結屋讀書以領湖山之勝顧

南北驅馳未遑也池陽阮侯申之之尹鄞也與學尊

師以為治陸天祐有二子曰居敬曰思誠感其尹之

化而思其父之遺命即其地架義塾首奉紫陽朱夫

子像以教一鄉之子弟講有席息有榻凡庖湏之所

食飲之器蔬蒔之圃雖微而完經始於泰定乙丑迨

天祿戊辰而落其成焉兄弟共割田百有五十畝其

弟復益十畝奇為報祀廩餼之須浙東帥本齋王公

名之曰東湖書院堂曰育英為書大字以榜之嘉其

志也於是阮侯賓請邑教吳君思永端席設講招延

訓導陳君宏可專其教而以狀介余友趙君屋孫君

至正八

三

煙嶼樓校本

俞叔來謁余文以示夫學者使知勛焉余謂世人負
千金資出所贏崇佛老之舍以求福田利益今陸氏
不及中人之產乃能殫力以淑其鄉人其志未可與
時俗語也且其事有契於余心者乃為識其本末而
告之曰古今之學不異而效不迨於古者蓋思其故
哉古者二十五家即有兩塾而黨術國都皆有學人
無貴賤皆得受業今之郡縣學書院非士類不入而
農工商無所於肄古者自洒掃應對至於致知存養
小大有序食息起居莫非為學修於家者經國理民
之本今之學者句讀未分已事割裂裝綴鬪靡之習
肆然自侈其所長而不知無所用之嗟乎不識為已
不辨義利而後天下無全材為師者以是教其徒父
兄以是令其子弟人生而蒙枉其路而塞其明柰之
何其有造也然則凡游此塾者必洒其陋必圖其新
學朱子之學而不徒象設為尊賢之具豈
惟一鄉之幸歟至順元年六月望日立石

奉化社學

學在奉化州三十七都大步頭至正二年儒人余伯

瑀與其兄伯璋願將自己房屋一所凡一十間四圍園地一十餘畝以創社學延師訓誨子弟本路提調學校官王總管准設下學照驗

鄉飲酒禮

四明士習禮學凡歲之元日冬至相與謁先聖先師而後序拜堂上倣古鄉飲禮宋建炎閒學燬禮廢紹興七年郡守仇念復舉故事益以酒三行置田百有六畝以支其費郡人比部郎林保聞於朝取其式行他郡行不久猶聽州縣自便後仇公所置田移以養士酒禮遂輟乾道四年守張津以鄞及昌國兩縣沒

至正八

古

煙嶼樓校本

官田二百六十畝山地二百四十九畝盡歸之學以復序拜之禮王伯庠再爲記且刻產業之數於碑陰

寶慶三年守胡榘淳祐六年守顏頤仲

按日原闕一行有奇而國

朝係提行多不過脫十餘字耳依文義當云寶慶三年守胡榘淳祐六年守顏頤仲皆以人日行禮入國朝云

云國朝曠未舉行每歲但於正月二日序拜仍置酒三行近歲以來掌者出於營求恒產或致湮沒積弊旣深古意寢泯至正元年郡守王侯元恭始命討論鄉老程端禮建議於明年人日行禮侯爲之主鄉士耆德者爲賓介禮備樂成觀者莫不感歎以爲盛舉因輯小錄紀之旣而王侯述其事請聞於朝以風

四方且命有司經理各處田土覈實科徵專充行禮之用

田土

元管

見宋寶慶志書

水田叁伯壹畝壹角壹拾玖步柒分

續有

張寺丞等撥到田併舊碑基在外

山壹伯玖拾貳畝叁角肆拾陸步半

地捌拾畝貳角貳拾步

見徵

鄞縣

至正八

五

煙嶼樓校本

米租壹拾陸石壹斗壹升肆合伍

勺今科壹拾玖石壹斗伍

升

穀租貳伯貳拾壹石柒斗伍升叁

合伍勺今科壹伯玖拾石

壹斗捌升

租錢壹錠陸兩捌錢今科壹錠叁

拾貳兩

奉化州

穀租貳拾陸石今科叁拾柒石伍

升

昌國州

吉祥寺折穀錢貳伯貳拾貫

詳見舊志

書

近因耆儒周宜甫陳言

蒙行下照勘於舊志書內

查照鄉飲田租穀伍伯貳

拾玖石柒斗壹升捌合內

除鄞縣奉化租額外扣算

昌國吉祥寺田該租穀貳

伯捌拾壹石玖斗陸升肆

至正八

六

煙嶼樓校本

合伍勺

鄉曲義田莊

四明鄉曲義田莊宋淳熙閒所創初史忠定浩鎮會稽日捐公帑市田數百畝名曰義田凡士大夫家貧而有親喪不舉孤女不嫁者給之有差及忠定明農汪莊靖大猷歸里第於是沈端憲煥謀之曰吾鄉誼風素厚盍亦仿會稽成規醵田而為義助庶幾興起廉隅鄉族有勸距今且一百七十有餘載行之不可泯絕者前人厚德急義之心將為是鄉萬世無窮利澤故其言曰是田之設非止濟人之急抑以崇廉恥

之風使從官者清白自持爲士者專意學業人知所
有恃不喪素節以爲子孫計俱爲賢者之歸其庶乎
參政樓公鑰尙書王公應麟咸有記見前志詳見本
莊本未須知

元管田土

田壹阡伍拾貳畝貳拾捌步半

山地貳拾肆畝貳角貳拾肆步貳尺

鄞縣東西鄉總該水田捌佰壹畝貳角肆
步半

奉化州田伍畝貳角貳拾貳步

至正八

七

煙嶼樓校本

慈溪縣

田壹佰玖拾柒畝

山地壹拾玖畝貳角貳拾肆步貳尺

定海縣

田壹拾壹畝叁角叁拾玖步

山地伍畝

紹興路餘姚州田叁拾陸畝貳拾肆步

歲收租糧每年照鄉例體減送納苗糧

穀壹阡伍佰伍拾壹石捌升

米肆佰貳拾柒石壹斗玖升伍合

按曰前總計田已併餘姚州田在內此條總計米數乃除餘姚州米計之何耶延祐志但有總數無州縣分項而田管米租全與此同不可解也

鄞縣

穀壹阡叁伯伍拾肆石玖斗壹升

米貳伯陸拾陸石壹斗

奉化州穀壹拾叁石肆斗

慈溪縣

穀壹伯捌拾貳石柒斗柒升

米壹伯伍拾石叁斗玖升伍合

至正八

六

煙嶼樓校本

定海縣米壹拾石柒斗

紹興路餘姚州米叁拾叁石伍斗

續置田土

延祐四年置到 提管吳濠孫界內

鄞縣田壹畝叁角租穀肆石

慈溪縣田捌拾壹畝貳角貳拾陸步租穀

壹伯叁拾柒石伍斗捌升

定海縣田柒畝貳角肆拾玖步租穀壹拾

貳石貳斗

延祐七年至治元年置到 提管陳紹祖界內

鄞縣田壹拾柒畝叁角貳拾步租穀叁拾

肆石叁斗

屋宇

門樓屋一間

祠堂三間

廡屋三間

軒屋三間

不欺亭一間

土地祠一小間

司房二間

上宿房一間

披舍屋二間

池一所

賃屋四間每間年納中統鈔貳兩

本莊基地伍畝

至正八

九

煙嶼樓校本

晝錦樓氏義田莊

樓氏有莊舉以義也睦族敦化聞者興起經始於宋紹興閒幾廢於大德丙午復完於泰定丙寅上下二百餘年興廢之迹可攷凡士大夫家莫不好義以為悠久計其子孫往往無賴者蓋出於無所養故也果有衣食以養其身有禮義以養其心庶幾睦族敦化之風非特行於一鄉將行於四方矣莊有廬江況達

記 四明樓氏在勝國為衣冠望族紹興閒知揚州兼淮東安撫朝議大夫璫即鄞縣置腴田五百畝立名義莊以成先太師楚公之志自同曾祖下至總麻而貧於無服而行業有聞者人廩給有差朝議四子歲更任其出納定規約以示夫後之人睦姻族厚風教意甚善也後六十年當嘉定壬申諸孫洪深澤瀚

曾孫杞椿慮其族大年遠而不率教者或買鬻之它而攘攷其入以壞其成援范文正例申請奏裁敢一違越則官有恒刑時猶子宣獻公鑰以同知樞密院事參大政錄其事上聞尚書檄給如請洪等復申定義莊規約而詳於初其要以增廣紹續爲勸而戒夫覆墜者諄諄焉宣獻記則又訓之以無倦其言曰人情初未嘗不善久則怠怠則肆肆則無所不至家庭之不謹而求直於有司亦豈所望哉旨哉斯言其慮深矣初太師昇由進士歷清要里人尊之爲墨莊先生名其坊曰晝錦政和末典鄉郡奏堙廣德湖爲田七萬八千餘畝收粟四萬八千有奇以贍軍養士沒則廟食於湖賜額豐惠歲或蝗旱他皆歉乏惟湖田不憂至今蒙利墨莊子五琛璫琚瓌派爲五常聚居晝錦里曾大父正議先生郁大父常俱登上第義莊之立義派所從出也至元丁亥上距嘉定且百年勸農營田史君分麾至鄞文房子曰任懼是莊與義役田俱沒入亟白之史君君亦援范例授任執據俾世其業時莫不稱之曰義莊莊有人矣庶其可久乎大德之癸卯予署湖北憲楚公六世孫壩侍金華戴君提舉儒學文正公孫曰軒分教岳陽君指示曰是義

至正八

三

煙嶼樓校本

莊樓氏子與曰軒家儷美於東西州者也予聞之輒悚然爲加禮又卅有二年予爲四明推官過晝錦而問焉故老咸曰義莊幾荒矣蓋至正丁亥白之營田史君而獲執據者任也大德丙午倡而瓜分售之章若陳諸庶者亦任也迨於皇慶壬子春江浙行省平章政事章呂公行部東浙族長彬偕僕僕成垣彙詞陳於公事下總管府同知路事聳吾耳海涯主公是徵質劑毀於官族不肖伏其辜若任者凡二十九人當之又四年始全壁復食於晝錦築祠堂以奉先祀神人具依以妥以完或曰樓族窶且弱田沒於富民雄噬狎翫殆十五稔其何力之能復而今乃復之非先太師朝議默相之乎曰非也義之在人心窮天地亘古今而不可磨滅者方其昏昏焉爲不義之舉以人勝而終復之爲義者其天定爾是莊經始於紹興奏請於嘉定幾厄於至元之丁亥蕩析於大德之丙午復歸於舊則泰定之丙寅上下二百餘年一成一毀雖若有數存乎其間亦惟義之所在人心天理千載猶一日也然安撫朝議立規約於初宣獻鑄勉於中史營田申勸於其後丁寧告誡非不明且嚴卒之

屣視遺壤悖先訓違教令買鬻覆墜而莫之顧利欲之陷溺其心若是哉故善惡之報不可知而可知者存乎天廢興之故不可必而可必者係乎人吾於書錦之成毀竊有感焉嘗攷文正公勳業忠義焜耀簡冊忠宣克世其美吳門規約纖悉備具范族之聚於斯者宜莫能廢之曾未幾何而田籍散落宅燬於兵編氓豪據至五世孫良器與族長公元者訴於郡於監司於臺省力加攘剗乃克復舊攻媿筆之歎其家法如是為范氏無窮之休朝議繼先志以施貧活族之義貽其後大略與范同其廢墜克復世次又相若其故何耶噫世祿之澤有時而或窮垂裕之善愈久而彌著古之深見遠識思以遺其子孫固有不求於人而求知於天不汲汲於目前而必效於他日者豈無所用其力哉譬猶種植在地斧斤摧剝根荄纏綿及其雨露之養萌蘖興焉義之為物不可以終廢廢而必有興若范氏之有公元樓氏之有彬也吾觀范氏之流風餘韻當時名公鉅卿槩乎有聞投袂勇為尚易事耳楚公五傳而僎襖衣冠塵土淒其隔世間關轉鬪侵疆再歸視范為尤難至於今益信先太師象世之遺澤綿綿而未泯此吾所為反復而三歎也

至正八

至

煙嶼樓校本

詩日以似以續續古之人因其食思其教續其所以為善是乃祖乃父所望於書錦之人也若徒利升斗之給梗蠹而不相能明神先君將不汝貸况吾筆之所與誅前而懼後者可不為凜凜乎是年為元統之甲戌夏六月壩來請曰范氏歲寒新莊之復先顯謨為之記去今一百五十餘年不意茲事乃出吾族識公且久今官於郡則父母我者也願一言以迪諸不肖刻之牲石以旌夫復田子孫之勞因撫先世遺訓而申傲之且攷證於范以為世之積善以遺其後者勉焉其田籍湮沒未有未如舊者凡若干畝載諸碑陰使來者得以核實

云八月甲子記

新校

學

慈溪縣醫學記

梁實

劉本梁下有君字

翁洲書院記

眩耳目

劉本眩下有入字

事上其狀

劉本事上

有當字

畫錦樓氏義田莊記

不求於人

劉本求下有知字

至正八

三

煙嶼樓校本

四明續志卷第八

鄞

徐時棟校刊

